

皇明經世文編

皇明經世文編補遺卷一

宋徵璧尚木 陳子龍臥子

華亭

徐孚遠闇公 周立勳勒卣

編輯

徐銘常成紀叅閱

何給諫奏疏

疏

何起鳴

條議宗藩至切事宜疏

宗藩事宜

臣等切惟當今國家有二大事所宜及時講求者外
之邊防內之宗藩是也邊防近蒙 聖明軫念已經

會官集議見今各邊整頓漸有次第惟是宗藩二百年來蝨斯麟趾縣衍繁盛邸祿歲增民財日詘比之邊防尤爲難處近按玉牒實在之數親郡王將軍中尉及未名未封與庶人等項共二萬八千四百九十一位郡縣主君儀賓不與焉其視國初分封之數何止萬倍總計歲支祿米八百六十餘萬石較之漕運四百萬石之人又不啻倍之國初以十稅一今則十而稅二三猶未止也夫根本茂盛則枝葉藩滋臣慮再越十年又不直前數矣以故宗室則衣食不克嗷

嗷控訴有司則艱於處給莫可支持賈誼所謂失今不治終成痼疾誠可憂矣恭惟世宗皇帝周覽遐思爰命禮官集議定爲宗藩條例一書頒布各藩永爲彝典無容議矣但中間條例未盡遵行臣等職掌所關妄陳胷臆列爲九事仰塵天聽惟聖明留意焉

一臣謹按洪武八年初定諸王宗人祿米每歲親王五萬石郡王六千石二十八年太祖謂戶部尚書郁曰朕今子孫衆盛原定親王每歲祿米五萬石

今天下官吏軍士多俸給彌廣其斟酌古今稍節減以資之用議更定親王歲祿萬石郡王三千石夫洪武八年至二十八年封建未踰時也即憂乏用斟酌節減如此聖祖不爲萬世計邪查得議處改折郡王以下裒多益寡尚有定論惟是親王歲祿參差不一夫親王爲朝廷屏翰歲輸隆重良不爲過但親王一體祿次懸殊而本折有重輕地方有貧富尤非所以遵祖訓而一衆心也合無降諭親王使知朝廷經費之難同宗貧窘之極慕義願減原額之數或

願改折若干或願每歲輸祿若干以補本府宗室不足之數各令具奏。朝廷降勅褒異。樹坊示勸。儻數月之後一無奏聞者。該部通計斟酌節減。務令均齊合一。恭聽宸斷處分。亦不爲過。

一各王府生息日繁。同處一城。不惟地產有限。天祿不贍其養。抑且居處沓雜。小民恒失其生。及今不處後愈難容。查得分封地方。山西湖廣各十處。河南七處。陝西四處。江西山東各三處。四川廣西各一處。蓋宗室數少。則常祿可儲。易與爲善。數多則黨衆祿窘。

亦易爲非。此韓代周府所以日益多事。往往越閤奏
擾。甚至凌詈官長。白晝劫奪。其爲遁逃淵藪。而莫之
禁也。是豈無其故哉。臣愚以爲自今以後。凡係宗室
衆多。不能並處一城者。分封鄰省。及附近州縣。或舊
有王府故絕去處。其府地規制。各照爵遞減。使爲可
繼。夫散處以治其生。亦得宗子維城之義。似不必過
爲拘泥者。

一先年郡王有犯罪革爵者。嗣後弟姪遠孫至多。裔
緣冒襲。乃又并其子女同進封者。糜耗國力。莫此爲

甚條例查革信不刊之典矣何須行文十四年不聞
一疏奏報豈以天下郡王一一承繼王爵無冒襲者
乎臣不暇悉數即如晉府交城王表柚以輔國將軍
應否得襲榮端王表楓之爵又加弟輔國將軍郡王
繼絕祖訓果有其文耶舉一交城而諸如此者尚
多也請乞勅下禮部通行王府去處撫按官轉行長
史等官其啓親王及管理等爵查係已前犯罪革爵
宗人請名請封甚爲艱苦而猶有目奏者何也故知
及故絕郡王弟姪遠孫曾經冒襲者作速具奏冒襲
名封需索乃係陋規而非爲清核也
本爵自能首者仍許襲爵終身其子以鎮國將軍管

理府事。餘爵悉從改正。通查具奏到日。該部該科覈實施行。毋得再爲文具。徇情容隱。

一宗室新封一位。則祿米新增一分。年復一年。無所底止。及今不處。則病國病民。病宗室。無一可者。臣見該部題覆各宗祿米。行文各布政司。止云於附近倉庫按季撥給。不知作何坐派處分。以故賦日多。歛日急。而民亦莫知其所以然矣。合無勅下禮部。通行王府布政司。備查以前本處祿糧若干。作何撥給。或於額糧內增加。或於額糧外區處。有無完欠。各查明造

冊具奏此後凡遇冊封郡王將軍中尉等爵應給祿米若干作何處分派撥俱年終類奏查考至於缺少去處各該撫按官遵照近日詔書督率所屬查催完納此外亦宜善爲區處毋只靠損貧民如山東泰山湖廣太和香錢之類積剩者皆可補湊是在有地方責者一加之意耳

一國家覃恩宗室全在名封婚禮不失其時今據玉牒所開將軍而下未名者八千八百位有奇未封者五千二百位有奇至使恩禮過期宗人怨憤殊非事

體臣見該部題覆可謂疏通而寢閣若此何也蓋議覆雖由該部而奏請遲速應否合格實在親王與另城郡王也訪得各處宗室初生奏報及請名請封選婚必有同宗司府保結然後具奏閏節重於錢神移文耽於歲月是故名封未得而祿領已爲借債之券矣臣愚以爲此必轉導嚴欽限凡宗子初生該府覈實限一年以裏奏報名封婚禮俱不許過限如無違礙而奏請過二年之上者年終類筭凡十位長史教授罰俸二十位以上者長史教授輕則住俸重則議

斥其長史六年無過賢勞茂著許一體陞用給與誥命服色自本年六月以前各王府奏到各封婚禮有礙覆題者該部備開違錯失格及保勘不到緣由通行巡按御史轉行各王府長史教授等官限文到一月以裏作速回奏以憑題覆施行如再刁蹬故違稽錯該部悉遵詔旨嚴行查究治罪

一郡王故絕府地屯廠暫歸親王掌管待有新封轉給此定例也近又著之條例甚明何迄今未見一第一條奏歸朝廷者豈親王規此微利爲乾沒計耶抑

有司者奉行之未至也。即臣所知如南陵王故絕遺下府第莊田金銀財物不止數十萬計。若非御史趙岩目擊將軍勤炳等有詞幾何不爲田潤王語等所影射耶。觀之一府餘可類推。乞勅該部一面再行撫按官將南陵王遺下府第莊田等項查追實數作速具奏。一面通行各處撫按備查凡係故絕郡王及削除親王處所逐一查明從實具奏其報到之數該部登記簿籍付所掌管候本處有新封者照數撥給以克祿糧不必更屬該府以滋隱沒。

一條例開載改正工樂蓋有見於花生膜育之弊最爲瀆亂天潢所當首革臣等訪得各王府間有一二裁損而其占恡者尚多即有議革資緣復業朝廷法紀寢格不行近如遼府收樂工張紹之女生子川兒滕龐請名希圖承襲若非該省御史相繼糾察不幾於冒亂宗統乎親王如此郡王而下從何究詰此樂工所當盡革而收買子女之禁尤當嚴也合無勅下該部通行各王府及各該巡按御史原設立富樂院盡數變賣入官樂工編籍當差樂婦從良改嫁通限

一月以裏將改正過數目要見變賣過房屋若干編配過男婦若干造冊具奏敢有仍前占悞者重行參奏先將該府輔導官提問凡王府收買子女果係缺人使用照例具奏限以名數收買一次不許在於境內境外擅自收取以恣淫穢違者許其所在官司申達巡按御史將輔導等官并差遣人等叅奏治罪一親王而下至中尉自王妃以至安人鄉君身後皆有御祭蓋朝廷親親厚終盛典也臣頃奉使見一二處御祭有司供辦祭器豐儉不一在王府則欲極

豐在有司則欲儉在遣祭官則於豐儉之間稍爲裁酌故有一祭費數百金者有一祭費十金者處處不同歲歲不定其間不良有司未免因緣爲奸本以敦族適以病民臣查得會典所載止見牛犢羊豕其餘祭品止云轉屬買辦豐儉未有定數合無勅下該部酌議凡遇各王府應行祭禮照依爵位定差等移文該衙門通將合用品物備細開寫各照彼處時估動支官銀買辦不許額外多增一物貽累小民各王府亦不許希圖折乾褻瀆盛典庶典禮歸一人易遵守

一王府承奉司止許理一應雜事有事呈長史司并
護衛指揮司發落與內官衙門無相統攝備載祖
訓可考近訪得各王府內使等官營求出入管莊收
課却乃需索有司夫馬張打旗號擅作威福羅織害
民重科厚歛靡所不至王處深宮無緣得知所以然
者內各藩近來玩視祖訓私收閹人徧滿宮闈各
求覓利是以出外生事擾害軍民招納投獻恬不知
畏且第宅墳塋之類務極華侈僭踰典制依憑賊
祚莫敢誰何伏乞勅下該部通行各撫按轉行長史

司啓王知會嚴加禁革內使人等恪遵祖訓一應
錢糧止令屯老旗甲人役催辦不許擅自出外擾民
仍通行各王府將見在內官內使盡數清查凡不係
照例奏討不由內監撥給者一一革退仍嚴私割之
律并第宅墳塋違制蓋造者通行釐正敢有抗違者
巡按御史查叅長史司官一體治罪

凡此九者或議勸捐祿糧或議查革冒襲或議清府
第正樂工無非以義御親之意或議分封或議祿糧
或議名封婚禮無非以恩厚親之意至於定祭物禁

內使、又無非恤民衛親之意，皆處宗藩至切要者，所以廣條例之未行，而濟一時權宜之計耳。伏乞勅下該部議覆上請，蚤賜施行。其於宗藩未必無小補矣。此外有爲國家經久計者，議論不一。有謂郡王以下宜定限子女襲封，其限外之數止給冠帶口糧者；有謂奉國將軍以下宜卽節其祿秩者；有謂親王傳制袒免以外萬一有乏嗣者止許親支各以本爵承管府事不得繼封者；有謂郡王六世孫以下止將中尉長子世襲其餘止賜宗派名目聽其自便者；有謂宗

室既有限制，不許請封，則不宜困之一城，使得畢力
民賈，其有才識超邁者，悉照祖訓，許其肄業，所在
儒學以取科目，仍照親王仕格，不得授以京秩，有違
犯者，一體糾劾，此則事關重大，臣等至愚極陋，何敢
輒陳意見，惟願廟堂之上，主張擘畫，特降手勅，廣集
公論，定爲經久遠大之計，上請宸斷施行，實宗社生
民無疆之福也。

李 奏疏

疏

李 崇

責成重臣及時經畧邊務疏

經畧邊務

近該總督宣大王崇古題稽古酌議北虜乞封通貢
緣由條刻八事該兵部題奏欽依刊刻成冊分送應
議諸臣會議重覆斟酌詳議上請奏 聖旨這事情
你們既酌處停當都依擬行還着王崇古悉心經畫
務要穩妥仍督率鎮巡等官比常倍加防守毋得因
而懈怠以致踈虞臣有以仰見 陛下制禦夷狄之
道安不忘危之心所以責成任事重臣而丁寧之者
至矣崇古復何所驕敢不竭心殫智以求無負 陛

下委任之重乎。夫已成之勢易圖。而未然之情難覩。故不敢苟安于目前。而必思預防於事後。事無常形。而必使在我有常勝之勢。所恃者以有備耳。難成者機也。易失者時也。乘其機。及其時。急爲之備。經畧不可緩矣。經畧既定。臂指隨使。恩可施威。可加。羈縻可久。可撫。可拒。可戰。可守。執其樞而應之。無不可者。不然。曝肉以飼鷹。空拳以搏虎。恩流於納幣。威由於構怨。而曰任事曰久。任其誤事。豈小小哉。今有隱憂者。彼心謂矣。安能得其力耶。

不在僂答夷酋之多詐。而在板升生齒之日蕃。不謂

其將來之無患。而深患板升之未歸。今日之舉。非盟
非和。叛服難料。不可恃也。就其事情。事勢處之耳。若
以爲即可相安於無事之天。不敢保也。若非乘時及
機。急求其可恃。大爲整頓。有以待之。爲可久之圖。則
經畫未必其隱妥。防守未免於踈虞。適以墮詐謀而
滋禍端矣。臣不敢避嫌。謹議其急於經畧者。有六。爲
陛下陳之。

一曰修邊。古稱天子有道。守在四夷。王公設險以守
其國。故增兵莫若增險。國初設大寧城於山後。設東

勝城於三降城之東。東直抵於遼陽。西直抵於甘肅。東西聯絡。列鎮屯戍。通爲一邊。山川限隔。虜人不。敢。跨山踰河而南牧。雖時侵擾。亦易以禦。中國之人。亦不敢。逃。虜。去。亦。即。思。歸。以。無。可。以。生。也。自。後。棄。大。寧。而。守。東。勝。宣。遼。之。勢。始。分。又。失。東。勝。而。河。套。之。虜。始。入。又。失。河。套。而。形。勢。弱。矣。然。猶。賴。都。御。史。余。子。俊。秦。紘。楊。一。清。王。瓊。馬。文。升。劉。大。夏。等。經。畧。諸。臣。修。築。崖。牆。深。廣。壕。塹。審。擇。要。害。增。減。墩。堡。置。敵。臺。謹。斥。堠。有。外。邊。之。險。有。內。邊。之。險。來。亦。不。拒。也。逃。外。可。復。也。因。

皇明經世編

卷之一

經世文編

士

平露堂

循極壞於嚴嵩父子。二十餘年間。權門一開。用匪其人。撫臣日望遷轉。將領惟知饋賂。內外之險不備。墻塹之迹徒存。虜騎得以縱橫東西。任其出入。生靈極其慘毒。財物悉歸橐橐。日惟媚虜通虜之術是用。可忍言哉。今復苟延歲月。偷安自保。虜氣日蹙。板升日衆。以中國之人爲虜之用。日移日棄。逾退逾近。不知將來所失。又何如也。爲臣者受恩深重。忍漫然自覩而心安乎。陛下寧忍坐待其困敝而不知救乎。修邊以設險。求其遺迹而變通之。其議不容已矣。

一曰足兵。夫城堡堅，要害固，斥堠謹，則來可禦，去可守，而屯戍卒伍豈可少哉？國初沿邊戍守，各有定數。有操兵，有調兵，兵非不足也。傷殘於搶殺戰歿之多，流移於飢饉刑役之苦，有其名不足其數，實其數不足其用，練習未領，而優恤之恩寡也。故練兵必先實兵，實兵必須息兵，方可揀擇強壯，稽查逃倩，嚴買閑私，役土著之民，查照先年李綱余子俊王質楊一清戴金等題行事例，審而行之。而後軍伍可充，戍守有具，及今修邊，開屯一應役使之入，悉於招募內選領。

用工。工完即罷。不復爲例。其原設屯戍操調軍伍。悉

仍舊差而愛養之。萬勿役使。并那減糧食。致生怨尤。

貢市之事。獎不欲以失。搗巢趕馬之利也。

今旣禁而搗巢趕馬媚虜私易。而將官家丁。又不得

冒功陞賞。則必藉此鼓惑。以起事端。工未就而內變

作。如之何其可也。以召募輪番用工。以原額選揀習

技。乃爲可恃。所謂效死勿去。地利不如人和。勇敢之

氣自倡。率作之功可期。此足兵之議。不容已矣。

一曰足食。古者寓兵於農。食足而後兵可用也。養軍

之費。不以煩官。則用自裕。軍之自養。悉出於田。則家

自慙。今各邊地土皆古之邊郡也。趙克國以全取勝。先陳屯田之利。國家有屯政之官。故有屯軍有操軍有守城軍。有調遣軍。率四人食一人焉。其制固存也。今或以荒蕪或以典賣或以召種。而屯田之法壞矣。邊地雖未必皆可墾。而可墾者必多。以其可墾者以召募之。官給其資。民盡其力。或令軍民自種。無事則耕。有警則守。清查其畝額。而量徵其科稅。就近轉輸爲力則易。乃查照先年劉大夏楊一清等開種召納事例。便宜行事。務使蓄積有餘。邊儲不匱。不惟糧食

足而內帑可省。軍民樂於有養。而遷移亦少。此足食之議也。

一曰理財。國之大計。財用爲急。今欲修邊。則有用工之費。足兵。則有招募之費。足食。則有屯墾之費。其在軍。則有月糧之費。有行糧之費。有軍賞之費。其在虜。則又有入貢之費。有撫賞之費。有補市之費。必皆支動於官。而不可取辦於軍。仰給於內。而未能遽行於外。則戶工二部於茲。不可不講也。天之生財。止有此數。國之所入。亦止有此數。而請發無窮。一或告乏。何

以繼之、臣請戶部會計開納事例、銀兩若干、前後抄
沒財產銀兩若干、及天下各項徵解錢糧銀兩若干、
以若干存留京用、以若干專候邊用、工部會計開河
修河并各項營繕錢糧已支若干未支若干、以若干
相應存留、以備邊用、不愆之工一切暫停、南京兵部
收積地租草場各項銀兩若干、俱應查存、不許冒濫
支借、以備邊用、太僕寺馬價、不許借支、以備召軍買
馬之需、仍將各處查盤錢糧已未解到數目、通行查
催、各省供邊錢糧已未支完數目、通行查明、請差各

該科臣會同該部實心體國、一一料理的確應期裕用、務求邊費可繼、二三年後事有成功以漸而舒先勞後逸、伏望 陛下節用惜財以儉德先天下、留有
限之財、濟邊務之急、固 祖宗之疆宇、保生民於熙
皞是大慶也、此理財之議也、

一曰用人、夫邊鎮之才、雖殊腹裏、秉賦剛柔、雖分南
北、大要以通方忠謀、廉勤強幹爲用、總督總兵、文武
大臣、固皆極其選者、尤莫重於巡撫、邊方巡撫、其任
最重、往以希望遷轉之速、殊無經遠之圖、是以不奉

總督之令巧爲規避之術。坐致邊事之廢積弊至今。今若詢舉未稱。依違苟簡。而獨責成總督難矣。自今邊防巡撫務求實心幹理。經濟雄才。非兩考不遷。總督總兵兵備將領。凡係邊臣。俱要久任者。超遷超遷者。久任人有固志。事有遠圖。然兵備分巡分守副叅遊擊指揮而下。皆有地方之責。府州縣官亦有委任之事。合無通行查揀一番。不堪者。邊方改調腹裏堪用者。腹裏陞著邊防。各舉所知。各隨器使。或可以修邊。或可以練兵。或可以屯田。各盡其才。各成其用。邊

事庶有濟矣。此用人之議也。

一日重任。古者藩鎮節度之臣。專制一方。錢糧軍馬。調遣給發。偏裨將領。叅贊官僚。俱得自處。攻守應援。隨機自便。人堪任使。動無牽制。是以權重而法行。任專而事易。今者事必待奏。奏多遲疑。持奏者之議論。不同同事者之意見。相左。是以節制下移。於抗違。督率每撓於欺玩。號令不護自內。兵餉難乎急應。精神耗用於文劄之煩冗。志氣消沮於展布之艱難。欲運籌帷幄之中。決勝千里之外。其可得乎。臣請自今假

以便宜之權。獲專閫外之寄。事關大計。必須奏請。可
以自處。徑自施行。言官不必苛細過求。少寬文法。俾

可自效。巡撫將領以下。悉聽節制。至於追論一節。人

朝臣有不快意于邊臣者。以此因之。不後任事者。勝
所深畏。是以欲言復寢。欲為未敢。必須朋姦黨惡。誤

領愈多矣

國亂政。方可追論。若心誠為國事。涉差錯。亦當秉公

原情。豈容挾私傾陷。搆弄胸臆。致傷國體。臣請毋得

繫及庶乎人無顧忌。而經畧可見。事有責成。而委託

無負此重任之議也。臣之末議。何敢自是一念惓惓。

實懷隱憂。先帝每恨邊疆無任事之臣。以致邊政

廢弛之久。每一思先朝經畧諸臣爲謀之忠。痛連
歲生靈槍殺之慘。未嘗不長嘆太息。思欲爲久安長
治之策而未得。今聖德格天天開太平之治。故使
從古所未服之虜。酋倏然款順。又如王崇古等毅然
自誓。且才謀周慎。足以當之。此所謂機與時也。伏望
陛下以繼志爲大孝。日與大臣謀畫修攘。銳然講求
法祖宗之心以成先帝之志。必欲安天下靖疆
圉。保太平有道之長。勅下吏兵二部。慎邊疆之選嚴
久任之法。不拘常格。不惑浮議。激勸有方。務求實用。

其在武職。惟以安邊受賞。不以小勝爲功。考選之期。一例超遷。不分文武。實盡懷柔處置得宜。勿啓釁端。大昭朝廷覆育之仁。務求所以招來拔升之術。以此爲功。特加顯擢。愉情憤事。重行論罪。勅下戶工二部。經理錢糧。務備邊用。選差廉明邊官管理。仍差風力御史稽查。毋惜暫費。毋使破冒。以便二三年接濟。期於成功爲止。毋分彼此。其圖實效。令行事宜。通行邊鎮督撫鎮巡等官。作速遵奉。修飭整理。勉圖安攘。毋徒空言玩愒。更祈申勅大小臣工。各秉公忠。宮府

相爲一體、中外不宜異同、輔相協和、文武兼濟、惟以
國事爲重、保邦防患是急、深爲遠計、永底咸寧久安
長治之策、無出此矣、

皇明經世文編補遺卷二

華亭 徐孚遠闇公 宋徵璧尚木 編輯

陳子龍臥子 李 雯舒章

盛翼進隣汝叅閱

韓 奏疏

疏 韓大章

遵化厥夫料奏 鈇 夫料

一卷查得本厥原額民夫一千三百六十五名正統三年本部奏准減半六百八十三名每名每年十月

初到廠辦料。次年三月終放回農種。弘治十三年。都御史洪鍾奏將口糧革去。行僉大戶總領在官。均徭銀內。每名一十二兩。每年十月。赴廠買辦後。大戶累次告擾。復于弘治十六年。照舊僉解人夫。每名各領前銀。亦于每年十月。委官解廠。自行買納。弘治十七年。本部題准。准以十分爲率。減免四分。止僉四百十名。照前買納。因是冬寒價貴。前銀買辦不敷。各夫又自賠銀買補。臣思前項民夫。既妨本身生業。又自賠納銀兩。羈延往來勞費。况各該地方頻年水旱相仍。

人民疲憊已極。揆之情理。誠可憐憫。查得本廠收積鉄料。見穀三年之用。合無自正德二年以後。仍照減免四分則例。再減三分。每年預于四月間。趁時柴炭多賤。照前領價解廠。聽其自便依數買納。不許攬頭。及本廠軍民人匠。用強兜攬。高擡時值。指勒加倍。違者。許本廠郎中。訪察得實。照例問發。三年以後。如果鉄料不敷。再照原數僉派。上下稱便。而民困得少甦矣。

一卷查本廠遵化等六衛軍人。原額九百二十七名。

正統三年間、本部奏准減半四百六十五名、內着四十名、每名月支口糧一斗五升、月糧六斗、歲支冬夏衣布二疋、綿花二斤八兩、見在本廠把門看庫巡夜值更、貼幫防守囚犯、及修理庫房牆垣等項外、四百二十五名、月支口糧三斗、月糧六斗、歲支冬夏衣布二疋、花二斤八兩、先年每口、每年辦炭三千斤、鉄砂六石三斗、撿鞣六十日、運石一車、天順等年以來、山場光潔、軍多貧窶、前項軍人各衛每名與貼正軍一名、弘治五年、都御史唐珣奏將貼工正軍掣回別差

另撥餘丁四名朋當弘治八年本部題准前項軍餘遇有事故等項行衛照名撥補不許擅加更動科派銀兩等項事情弘治十七年又該本部題准以十分爲率減免四分以寬其力後因軍匠係是造冊食糧已定人數又經議擬減其工力四分得以休息卽減人數相同今照本廠收積鉄料見穀三年支用況地方差役繁難衛所征料負累若不亦照人夫事例從宜更改則減免均徭槩益于兩府之州縣休息工力惟利于鉄廠之軍餘人心爲之不平公論難于允愜

合無通將看廠辦料軍人四百六十五名、自正德二年爲始、以十名爲率、亦減四名、發回原衛、但各軍係是造冊食糧已定人數、退出該衛必更別差、以後再欲取回、未免事涉紛擾、合將正軍不動、每軍一名、止貼餘丁二名、餘皆退發原衛所辦納工料、亦依人數減免、每一軍二餘、每年止辦炭一千八百斤、鉄砂三十石八斗、檣韉三十六日、運石半車、其存留貼軍餘丁聽從本廠郎中、揀選年力精壯、堪以工作之人、各衛不許侵奪紊亂、三年以後相同、其餘丁合無亦照前

例還減、

一卷查本廠順天永平二府州縣炒煉熟鉄民匠正統三年原額二百二十名、除戶絕等項、外見在止有一百九十二名、每名月支口糧三斗、每年十月初起、次年三月終止、俱在本廠炒煉鉄料餘月放回農種口糧就開、卽今有題准減免四分則例、見在本廠上工、合無自正德三年以後、照舊上工

一卷查本廠順天永平二府輪班人匠、正統景泰等年以後、本部奏撥六百三十名在廠上工、除戶絕等

項外、見在止有五百五十二名、四年一班、每年一百三十名、先年每名該季納炭一千斤、時值二兩、鉄砂三石、值銀一兩二錢、上納本廠炒煉鉄料、因思本部各處輪班人匠、曾經題准、聽其自便、納價者每季納銀一兩八錢、當班者仍將退出餘丁送廠照舊辦料做工、亦不許托詞占愆、致悞國課、再照弘治十七年十八年正德元年三等年、曾題准減免四分、又經議擬止減工力、軍餘固得儉安、衛所實無寸補、合無今軍除春季諒出工料、依舊辦納外、四月以後、就將各

軍餘退出二名、回衛應辦料差、廢衛所得人而軍民普沾其惠矣、

一卷查本廠隆慶等衛所炒煉生鉄、軍匠正統三年原額八十四名、除戶絕等項外、見止有六十七名、每名歲支行糧十石八斗、冬衣布二疋、花二斤八兩、內隆慶等衛三十五名、各名幫貼餘丁不等、有一二丁者、有三四丁者、有全無丁者、遵化衛三十二名、每名幫貼餘丁四名、俱照本部題准減免四分則例、見在本廠上工炒煉鉄料、因思前項軍人與前遵化等衛

軍人事體發各衙門上工鉄廠輪班人匠亦與各處相同辦納料價較比加倍合無今後前項人匠行令各該州縣照依各處事例聽其自便願納價者每季納銀一兩八錢就於本州縣收貯差人連本匠勘合通行解廠批工銷照其價聽本廠買辦前料炒煉季終將解過匠價并買過物料數目呈部查考願上工者聽其上工

一本廠書辦庫秤門子催工巡山管匠總甲各衛造冊寫字并大小爐作頭共有三十五名俱在本廠軍

民匠內摘充、但各人旣開行月糧米冬衣布花幫貼
餘丁、較之辦料做工、未免彼勞此逸、合無今後做辦
工料軍人止定七名、各衛寫字儋造食糧文冊、止定
三名、作頭止定二名、通該一十三名、仍俱遞年更換
其餘各項盡數退出、照依各軍辦料做工、不許營克
前役、意圖輕省、久占作弊、出入衙門、發其本廠書辦
照依易州廠事例、行移吏部、選撥本部令史一名、役
滿更換、門子遵化縣與相應人戶僉撥二名、庫秤僉
撥四名、一年更換、則軍民人匠、輸力惟均、而本廠役

用亦不乏矣、

一盤過本廠收積生鉄、除碎鉄不算外、見在生板鉄二百三十二萬四千二百斤、熟鉄七十五萬六百六十斤、銅鉄二十二萬六千五百斤、鬆鉄二十一萬一千七百一十六斤、每年本部額運生熟銅鉄五十七萬九千七百斤、大約見穀三年支用、若不從宜節省、仍舊原額炒煉、則柴炭價高、軍力勞竭、月增歲益、必難支持、合無除弘治十七等三年減免四分外、自正德二年以後、不拘常額量設爐座、每年止儘軍民夫

匠辦納柴炭多寡計筭炒煉鉄料不許將柴炭浪費以致軍民加倍違者許令本廠郎中叅究治罪仍將收買柴炭若干炒煉出鉄料若干按月開報本部以憑查攷以後鉄料缺少另行議處如此則鉄料不致缺乏而軍亦得聊生矣

一遵化鉄廠訪係永樂年間在于地方砂坡谷開設後遷地方松棚谷正統年間遷今地方自治庄彼時林木茂盛柴炭易辦經今建置一百餘年山場樹木斫伐盡絕以致今柴炭價貴若不設法禁約十餘年

後價增數倍軍民愈困鉄課愈虧合無行令本廠郎中出給榜文嚴加禁約着落各該衛所州縣巡捕官員曉諭地方軍民人等不許在○于○應○禁○山○場○擅○自○樵○採○開○墾○耕○種○燒○窑○燒○炭○違者許本廠郎中捉拏照例問發每月各該巡捕官員仍具不致扶同容隱狀申繳本廠郎中知會則人知警惧木漸滋生而日後之用可供矣

一每年解運鉄料本部差委武功等三衛千百戶等官領運自鉄冶起直抵京城止是沿途軍衛有司起

車二百八十餘輛。每輛用車脚價銀三兩五錢。共銀九百餘兩。訪得各衛委官多方作弊。將缺開領出廠。或就併車裝運。或將低鉄抵換。遺弃路道者有之。經年累歲。運送不完。脚價任其侵欺。歲月任其延捱。部中廠中。兩無稽考。合無今後運鉄前項軍職不必委差。就于本部合屬官內。選差一員。管廠郎中行取車。輛出給批文。定限解部收。取批廻。庶使解運不致遲延。而鉄料亦無疎虞矣。

一卷查本廠遵化縣襍造局鉄匠。永樂年間原額七

十二名、除戶絕等項外、見在止有三十七名、俱在本廠看守、炒鉄囚犯、應合照舊、

一法司問結囚犯解到本廠炒鉄、是遵化縣雜造局官吏監督炒煉、先年題准每名日支粟米一升、食用每月俱在薊州各倉造冊開支、又于附近州縣撥致醫生三名、遇有囚犯疾病、合藥調治、良法美意、最爲切當、其糧米應合照舊、但所用藥餌、因無官錢、莫由措辦、虛應故事、有負朝廷矜恤之意、合無今後每年將本廠輪班匠價量支買辦藥餌收貯、如遇囚犯

瀝病該局官吏卽令醫療毋致失所仍行沿途遞運所衙門如遇囚犯發到不拘多寡卽時起解毋得稽留及禁約防夫人等不許輒加捶楚奪取衣糧違者許本廠郎中挨究重治

一本部管廠郎中雖奉有勅在彼提督但于各該軍衛有司官吏賢否無考察之權軍民詞訟無受理之例以致人多怠玩事不奉行合無今後各軍衛有司但遇事關本廠聽從郎中處治敢有輕視違抗者許本廠郎中照依欽奉勅諭事理應拏問者拿問應叅

奏者參奏如此則人知遵守而事體歸一矣

皇明經世文編卷之終

皇明經世文編補遺卷三

陳子龍臥子 宋徵璧尚木

華亭

徐孚遠闇公 顧開雍偉南

選輯

宋存標子建叅閱

吳 奏疏

疏

吳 仲

重開通惠疏

重開通惠河

先該平江伯陳銳都御史李裕臧鳳俞諫高友璣御史薛爲學楊儀楊璋秦越向信主事鄭珩給事中翟

瓚鎮遠侯顧仕隆署都督楊宏等各題前事內向信一疏尤爲明白簡當鑿鑿可行但事屢議而竟無成言雖切而卒無補臣竊思之水陸轉運其勞逸省費較然甚明况陳銳等多累朝漕運名臣言必不妄臣因考之元史至元二十九年都水監郭守敬建言疏鑿通州通惠河引水置閘興工之日世祖命丞相以下皆親操畚鍤爲之倡置閘之處往往於地中得舊時磚木時人爲之感服船旣通行公私兩便先時通州至大都五十里陸輓官糧歲若干萬民不勝其瘁

至是皆罷之。自是漕運無轉搬之勞。而一代事功。卒歸於守敬焉。及考金水海子白浮。甕山諸志。典籍昭然而可據。踪跡尚在而可尋。何獨我朝必用置閘河於無用。費脚價而不惜哉。臣又恐有風水家之說。因

近鄱山泉亦無大水若桑乾者豈有斷決之患

訪之上源。見於諸陵無損。遡其末流。又於都城無害。且源頭活水。運亦流不運亦流。初不因運之行止而爲河之開塞。水之盈涸。此理甚明。足破羣惑。况通流等八閘。閘石見存。無事於添補。閘夫見在。無事於添僉。閘官見任。無事於添設。近年營建大木。皆用此河。

直達大通橋下。滔滔無阻。叅將王佐曾舉而行之。特

易易耳。但每至垂成輒復中止者。祇爲權勢之車輛

○爲○盡○其○大○

罔利之牙稅不便所阻。臣又考之元史漕運糧儲南

來諸物商賈舟楫皆由通惠河直達海子登岸未開

城之外

漕民餓死。況今止通軍民糧運。其官私貨物仍舊亦

未爲全絕其利源也。臣嘗竊料開運一年可省腳價

銀十餘萬兩。今當民窮財盡之時。於國計不爲無補

臣幾欲具疏上聞。尤恐識見未真。料理未周。不果。繼

而見在京各衛因往通州開糧。或被官吏冒支。或被

行伍驅匿。或子姪不肖而花費空手而回。或陰雨連旬而放遲。盤纏過半。累害呈告到官。皆爲有名無實。

臣因考之漢唐都關中。宋都河南。皆由汴由渭直達京師。未聞有貯國儲於五十里之外者。我朝通倉其

設如唐時渭口置倉以漸發運耳雖近京師豈可

初如徐德等倉故事。只有神武中衛小倉。已後因漕

兵本倉北到

運來遲。暫將京儲收貯通州。以待轉般。因循苟且。歲

月既久。遂爲三七定例。嗣是莫之能改。遂使一代官

軍不沾實惠。又欲具疏上聞。未果。然此特其利害之

小者耳。臣近因乞運邊糧。備防邊關。塞堡險隘遠近。

以防不虞。因知密雲等處皆有間道可通。若使奸細
爲之嚮導。輕騎疾馳。旋日可至。或據倉廩。或肆燒毀。
國儲一空。則京師坐困矣。雖有言者。但以開運省費
爲言。而卒莫有以先代之故事。間道之危機爲。陛
下告者。陛下信之不專。行之不決也。語曰。人無遠
慮。必有近憂。傳曰。成大事者不謀於衆。惟陛下留
神省察。謀之二三元老大臣。而獨斷焉。萬一臣言或
是。誤蒙採納。卽今漕運會議在邇。乞勅戶工二部。查
照先今節次題覆事例。一併議處。着巡倉御史會同。

工部管閘修倉主事兼理閘運閘板見存修補借之
各廠少有疏濬并其他用度量支修倉餘剩巡倉贓
罰并所省腳價民財民力一不妄費大運京糧姑聽
陸路自進且令覓船顧人畧運百萬以試之如果可
行就將省下銀兩蓋房造船築堤展河次第舉行所
謂三七通糧漸撥京師自二八一九而全輸矣興

國家自然無窮之利杜後世意外不測之虞所謂富
國強兵殆一舉而兩得之矣該戶部查議差官會勘
戶部尚書王軌工部尚書何紹會同總兵官楊宏等

勘議嘉靖六年十一月十三日題覆

預處邊儲以圖治安疏

邊儲

臣竊惟北虜犯順。在古爲然。三邊解體。於今則甚。近
宣府地方。達賊入寇。白陽等處。墩臺不舉。火游兵不
應援。恣意殺掠。如入無人之境。臣竊思之。犯順常也。
解體變也。常可也。變不可也。臣請爲陛下陳之。軍
士所以解體者。其初蓋緣流賊竄發諸郡。邊軍內調。
征勦。因窺見中原之人民安居而懷脆。中原之軍士
安閒而怯懦。陰有輕玩之志。旣留操備。又窺見京軍

無鋒鏑之患。天顏濫近狎之恩。堂陛無間。遂成驕矜之習。後回本鎮。債帥不能體恤。懦將不能振率。包攬上納。行糧折乾。多方剝削。靡所不至。至於糧草久缺。略不經心。凍餓而死。全無顧惜。一有聲息。乃使之裂膚枵腹。以禦強敵。如驅羣羊于猛虎。納生人于溝壑。所以大失人心。且如關山全軍敗沒。鎮巡奏報殺傷纔二十人。人命死于無辜。其家不蒙厚恤。旣無激勸。曷勵將來。馴致今年殺都堂。明年殺總兵。當時廟廊處置未善。姑息太過。所以今日威令蕩然而無所忌。

憚矣。爲今之計奈何。結之以恩而已。蓋必特頒明詔。痛目引過。以誠感人心。以言謝天下。如唐德宗山東之詔。使人揮涕激發。以奮其志。優其賞賚。時其衣糧。如宋太祖裘帽之賜。使人感恩懷德。以革其心。然後徐復以威懾之。苟犯吾法。有殺無赦。賞罰嚴明。人心悅服。乃可以守死卽戎。久安長治。不然。縱無大羊之患。必有藩鎮之禍。斷斷然可逆知而預料矣。但當國家多事之秋。司農告乏之際。出納無常。措辦無計。不過曰開中曰納粟而已。然開中之弊。價輕則勢要占

竈價重則商賈失利。納粟之弊。非惟名器太濫。所謂
醫眼前之瘡。剗心頭之肉。此皆利害相當。殊非計之
得者。臣待罪通倉。查得先該工部左侍郎趙璜題准
查修河道。以便轉運。以大利官軍。臣反覆籌之。以水
計陸。一年可省腳價二十餘萬兩。無開中納粟之勞。
有富國強兵之實。鑒然可以行之百世。而無弊伏望
聖明查照趙璜題准欽依內事理。卽日舉行。毋容阻
撓。所省腳價。盡發各邊用。二三年間。將見三邊足食。
萬士歸心。然後以令則行。何強梁之不消。以戰則勝。

何醜虜之足慮。又加以將帥得人。朝廷之上。永無北顧之憂矣。臣聞古之賢君。減後官之需。發內帑之積。以供邊費。無所顧恤。況不勞已之力。不費已之財。亦何憚而不爲乎。

皇明經世文編補遺卷四

華亭

徐孚遠聞公

陳子龍臥子

選輯

宋徵璧尚木

何剛愍人

宋存標子建叅閱

錢

文集

議

錢

槁

鹽法

鹽法

古之河北今畿甸也真定以西爲古大陸之澤下作鹹生齒之徒無旦暮之糧以活家命則擇斥鹵之尤

積潤之鹽。刮其土而鍊之。匹夫匹婦窮月作勞。可得升斗苦鹽。易粟爲命。宋慶曆中有上封者。請權河北滄濱二州鹽。余靖諫曰。河朔土多鹽鹵。小民稅地。不生五穀。惟刮鹽煎之。以納二稅。今若禁止。便須逃亡。近民怨望。非國之福。黃履翁亦曰。河北之鹵。素無禁約。其議卒寢。至我國朝。設長蘆山東二轉運鹽使司。滄州青州濱州膠東四分司。凡轄四十四場。編集順天等府屬邑竈丁。旁海煮辦。鹽課不缺。則是河北滄濱二州。古之瀛海郡渤海郡也。其在今日。可謂施法

之悉。盡地之利矣。若夫真定之西。深趙與屬數邑。微
鹹小鍊。較諸滄濱。不過億兆之一。譬若瀛渤海中之
半滴爾。有之不足妨國之課。置之不足廢國之法。聽
之民間。誠若披離之滋。權之官捕。則無捉摸之處。今
若長蘆一司。行鹽地方百四十餘州邑。其間有鹹州
邑。不過數處。其鹹疎薄惡陋。頗以刮鍊而成之。鹽者
刮地得鹽。味亦不美。西北邊外多有之。
不過頃畝中之尺寸。執其尺寸之微。例諸瀛渤之權。
誠有間矣。况擔負出入。不越真定之境。縱窮所有。所
來無幾。良以物微民貧之甚者爲之也。且茲畿內。鹹

土無尺寸無不徵糧之畝無一歲無不均徭養馬之家無一人之倖漏免其坐嫌畝在籍無不貧下之戶其鍊嫌代耕而輸國之稅而放口不贍無不號號可憫之夫其奔走易粟無不擔負手挽貧窶隻弱萬無大夥貨殖之徒方今西北邊警首嚴真定招募義勇之急編選民壯之多運輸糧料車馬之繁加以屢歲凶荒之歉滹沱泛濫之虞夫京師天下之根本也畿甸所以培植擁輔乎根本者也滄鹽巨商每嫌山陞之遙不自肯至又從而禁入毫釐之嫌月報藍縷之

獄流離捕人之慘非所以寬近民優畿輔也

築堡

內地築堡

近邊之地築堡以爲清野之計可也若內地防地

本兵初駭邊警採宣羣議令海內西北間閭村落遍

盜則聽豪人家自爲之可耳官督責之恐益滋擾

得築堡禦虜所在撫臣如法督促急如星火每州邑

劄堡數區制若城隍盈燕趙齊晉魯衛魏韓無不屹

然矧起窮二年民力制未得盡備而氣已索矣愚切

謂堡法可施于邊陲不可施于腹裏足以病民不足

以禦戎足以致寇不足以忠國其說二十有五邊陲

土曠民稀人驚悍而俗尚首功也土曠本戎馬之地

旦暮出沒。沸梗彌逸。得堡焉。星羅其間。矚敵之去。彌野耕作。賊至倉卒。亟有藏寓。敵縱攻堡。吾姑暫支。大軍瞬息可哨援也。敵或深入。則羣堡後躡。卒莫逞矣。民稀則利曠土之饒。相卹爲命。視所寓堡。不得不羽毛之惜。人驚得則得堡爲穴。養銳而息足焉。隱然得其虎豹在山之勢。發罔測矣。俗尚首功。則人自爲戰。家自爲計。不匱官中之憂。而比比可牙爪也。此謂堡法可施於邊陲者也。其四說如右。何謂堡法不可施於腹裏。生齒之繁。里巷散處之廣。州邑城池聯絡之。

多。法網牽制束縛之密。夫生齒之繁。則何地非肺腑。曷盡待而堡固。里巷散處之廣。則備東遺弛西之源。釋實或攻虛之便。民曷得而置心。州邑城池聯絡之多。只如真定一府。地誠幾何。三十二州邑。綦布孔邇。又每州邑。贅數堡焉。每堡如城之大。而備其制。勢誠美矣。法網牽制束縛之密。只如真定每州邑。儘民之力。驅之守城。驅之捍府。又驅之戍西山隘口之險。又驅之并力諸堡之中。虎坐無警。歲月之久。此謂堡法不可施於腹裏。其四說如右。何謂足以病民。其始工。

也。拘集數十村民而築一村之堡。則興爾汝之嗟。其就績也。以數月積累之勞。而或一旦傾圯剝落之易。則復動衆之窘。其憂後患也。不難於築。難於修。不難於修。難於守。州城尚不易修。不易守也。而況於草率之堡乎。其彼程督也。今日須丈尺若干。明日又須丈尺若干。今日造冊上府。不如式則駁。明日上冊未備。制又駁。今日委官某促責。明日委官某較量。今日委官某檢正。明日某覆覈奔走文移之瀆。吏人戴罪之嚴。迎送夫馬之費。動輒掣肘之艱。民曷爲而不告病。

耶。此謂堡法足以病民。其四說如右。何謂不足以禦
戎。兵法守城之道有五敗。一曰壯夫寡。小弱衆。二曰
城大而人少。三曰糧寡而人衆。四曰蓄財積於外。五
曰豪強不用命。夫州選義勇民壯義兵而投之。官搜
窶夫羈之堡。一不守也。邈陞堡小。室廬輳密。人不
必衆而力齊。以專。腹裏則不然。二不守也。携糧當守
堡之役。人衆畢來。則無室以居。廢耕乏餉。可立而餒。
三不守也。邈陞無堡外之家。茲以外族遠趨他堡。爲之
守焉。而其資產老弱。則外懸。此四不守也。州城有司

爲主之。然而守非君子不能也。堡之統領之職而望

時有之

豪強之用命難矣。五不守也。此謂不足以禦戎。其五

說如右。何謂足以致寇。兵法曰。善守者藏於九地之

下。今有堡形而無禦之具。則知其堡之中有大姓焉。

邊警未必來。而寇之招矣。又曰。無借人利器。中原草

寇。遊沒無迹。苟信宿而風靡焉。是授之寓矣。又曰。田

里相伍。其約束符信也。里有周垣。不得相過。其隊分

也。今議守道。驅集四鄉。棄其室家之衆。而歛之一堡。

之怨。身內而情外。義分而勢必潰也。盜之藪矣。此謂

足以致寇其三說如右何謂不足以忠國禦戎之道。
古雖無上策也未聞其以堡也。今議中原皆堡畿甸
皆堡。又議京城築外羅城臨清州築外羅城敵未門
屏之。而捫首室奧之早太平一統之秋而跼蹐歎
餒之甚。此不使聞於虜庭也。此一說也。古者城制未
遑。干城有士。近代城垣倍徙古世。而戰士謀夫萬一
不古若也。乃釋不講而務立堡焉。消人敵愾之心。而
形此狐鼠之態。何示人以無氣也。此二說也。九邊之
限。天設之險。不此之恃。而縱虜入我之深。其闕隘又

何在也。而何有於堡。此三說也。古人有曰。聖人居之。不以室宅。守之。不以城郭。兵法亦言。守具未足。薪水不供。雖有高城。宜棄勿守。然則守道在人。不在城。有城而弗人也。城無爲也。矧有堡無人。城耶。此四說也。夷性不善攻城。前世名將必以奇制之。今不中國之智之技是求。而動縮千里之首。苟敵之果迫。又安策耶。此五說也。此爲不足以忠國。其五說如左。

徭役

賦法

古者田以出粟而足國之食。賦以出軍而足國之兵。

自魯用田賦兼賦夫田以兵而民力弗餘然猶寓之農也後世崇建軍衛竭盡夫田之入胥食之軍軍非武衛則不置非軍門則罔調也有司編設民壯是爲重資之役權處之道今又一旦數倍額上增羨役焉民倍疲矣古者一夫從軍七家奉之大司馬遁而征之十年而役一遍凡以更勞而均逸也今見畿內州邑無歲不計閭治之民而編之均徭只如民壯每丁夫出銀一錢每名民壯七兩二錢則總七十二丁夫朋一役也古率七家賦一兵也賦兵則諸賦弗及也

家無過一人以其餘則爲羨也。今者民間二稅歲歸之軍養馬所需不減歲費民壯之設又歲均徭十百之一徭也。宋嘉祐中河北招兵未已范鎮有曰取兵於民則民稀民稀則田曠田曠則賦役重賦役重則民心離寓兵於民則民稠民稠則田闢田闢則賦役輕賦役輕則民心固與其離民之心以備契丹契丹雖未至而民力先匱孰若固民之心以備契丹契丹雖至而民力有餘國用有備也。夫契丹在宋何如今日招兵之誓視編役又僅然也。然宋尚懼離民之心而

匱其力耗其財也。其在今日。弗財與力之養而務張
皇之驟策亦竭矣。宋募義勇爲河北伏兵以禦金人。
當是時與虜爭中土。割河北也。其在今日。全燕全晉。
一統有之。邇嘗募義勇。送備府操計。日而授之直。招
精銳而時使之。厚賞以勸之。民踴然也。又責增編民
壯數百名於版籍之上。牽纏瑣屑。民懼終身之永累
矣。愚竊謂府操義勇。不必如是之多。州邑親民得其
道。槩閭閻皆鄉兵也。又何必拘之苦之之蚤也。昔宋
河北諸郡皆籍義勇。惟澧州石門慈利募義勇不置。

籍若今民壯排之版籍之固則有不獨如古墓而籍

風俗不同人有亦異以此課吏誠便

之者也愚切願委責有司聽其各隨其便務展所學
得權措置之宜而不失養教之意緩急民間俱我手
足之捍矣正不必於存籍也不然隸名之外文具殊
嚴法網密而豪傑受長制也求免過亦幸哉此謂籍
兵不宜有五說也

皇明經世文編卷終